

X 2, Ա. Տէր Յարութիւնեան: Պոռնիկի և նրա գործունէութեան արժէքը:
1908 Ն. Նախիջեան:

Այս աշխատութիւնը նուիրուած է պ. Մանուկ Աբեղեան-
ցիին և ով որ աշակերտել է վերջինիս, նա իսկոյն կնիկատի ուսուց-
չի ազդեցութիւնը իր աշակերտի գրուածքի վերայ: Սակայն
Մ. Աբեղեանը Պերճ Պաշեանցին վիպասան է նանաչում, իսկ
մեր հեղինակը Պ. Պաշեանի արժանաւորութիւնը տեսնում է
միմիայն նրա ազգագրական նիւթերի և լեզուի մէջ: Եթէ չենք
սխալուում նոյն կարծիքը քանիցս յայտնել է և Պ. Լէօն: Մենք
նրանց համամիտ չենք և ընդհանրապէս կարծում ենք, որ Պ.
Պաշեանցը վիպագրողի իսկական տաղանդ ունէր և իր երկե-
քով կարողացել է կենդանի պատկերներ տալ թէ գործող ան-
ձերի և թէ դէպքերի: Նրա նշանակութիւնը մեր գրականու-
թեան և կեանքի մէջ մեծ է հէնց իբրև վիպասան-պատկերա-
հանի, որ կարողացաւ ընթերցողների լայն շրջաններին և մի քա-
նի սերունդներին ծանօթացնել մեր գիւղացու չար ու բարիի,
ընտանիքի և հասարակական կեանքի հետ:

Ա. Տէր-Յարութիւնեանը Պ. Պաշեանի վէպերը ենթա-
կում է մտնրամասն քննութեան և խնդիրը լուծարանելու համար
մի քանի հետաքրքրական պատմական և քննադատական տեսու-
թիւններ է անում: Մեր քննադատական ամպի ասպարիզում
այս ուսումնասիրութիւնը անշուշտ կունենայ իր որոշ տեղը:

X 3, Թէոդիկ. Ամէնուն Տարեցոյցը 1908 Վ. Պօլիս:

Վ. և Ն. Տէր-Ներսիսեանների այս օրացոյց — Ալմանախը
շատ պիտանի և տեղեկութիւններով հարուստ հրատարակու-
թիւն է: Հետաքրքրուողը կարող է այս Տարեցոյցից քաղել շատ
բազմաթիւ տեղեկութիւններ Վ. Պօլսի կեանքի, հիմնարկու-
թիւնների և գործիչների մասին:

Հրատարակութիւնը ունի նաև գրական բաժին և բազ-
մաթիւ պատկերներ՝ Օրմանեան պատրիարքի, յայտնի ամուս-
նականների՝ Հ. և Զ. Ասատուրի և այլոց: Ցաւում ենք, որ
այսպիսի հրատարակութիւնը մենք, Կովկասահայերս, չունինք:

Գրազէտ